

Desenvolvimentu Turismo de Base Komunitariu

Artigu husi Pedrito Vieira



Makloke

Potensia ekonomia ida nebe'e bele hamosu oportunidade ekonomiku ba comunidade maka turismo de base de komunitario. Saida maka turismo base de komunitario. Molok atu hatutan informasaun ba maluk sira nebe'e iha inter-eses ba negosio turismo nian, dahuluk ita koko koinese didiak saida maka konseitu husi turismo komunitario ne'e. Iha konseitu ne'e esplika katak aksaun ida hodi promove desenvolvimentu turismo baseia ba partisipasaun maximu husi comunidade nebe'e as tebes no bele responsabilisa husi aspeto sosial no ekologika. Karik konseitu ne'e bele promove iha Timor Leste?



Realidade hatudu katak natureza no kultura iha pais ne'e sai hanesan potensias nebe'e as tebes hodi promove sai hanesan tipu de negosio ida nebe'e bele haforsa ekonomia comunidade nian. Maibe oinsa bele desenvolve potensia ne'e? Perguntas bo'ot ne'e bele sadik ita hodi hanoin didiak no trasa strategiku ida nebe'e apropriadu hodi hamosu resultadu benefisiariu ba comunidade rasik. Modelho turismo base de komunitario bele fo mos benefesiu oin-oin. Benefisius sira ne'e maka hanesan rendimentu atu hetan orsamentu nomos benefisia hodi suporta konseitu desenvolvimento sustentavel nebe'e la halo degradaun ba meio ambiente. Proteze kultura local, kapasita comunidade nomos aumenta receita fundus komunitariu nebe'e la depende ba tipu negosio ida deit no distribuisaun nebe'e justu entre komunide sira.

Distribuisaun Justu

Fundus ekonomia basiku husi komunidade sira hanesan agrikultura, pesca no hakiak animal sira hanesan ekonomia fundamental ida nebe'e bain-bain tia ona. Ho desenvolvimentu turismo base de komunitario, comunidade sira bele hetan rendimentu extra no hameneus dependensia ba rekusus naturais. Agenda negosio turismo nian sei adapta ba nesesidade kalendario sosial sira hanesan saur batar ka koremetan no seremonial ritual sira.

Expektativa husi turismo base de komunitariu katak komunidade sira direktamente hetan lukru husi negosio ne'e. Atu halai ba to'o iha expektativa ne'e premeiro comunidade sira dala

uluk tenke hetan informasaun no formasaun husi governo ka organisasaun non govermental sira nudar proseso kapasitasaun basiku ida. Kapasitasaun sira ne'e halai liu ba oinsa bele uja potensias sira ne'e hodi hamosu oportunidade ekonomia ida. Iha parte ne'e loke no estimula visaun comunidade sira nia hodi hateke perspektiva ekonomia oin mai. Atu uja fatin potensias ne'e ho jestaun saida. Se maka halo jestaun no semak nain ba negosio ne'e. Karik perguntas sira ne'e hanesan base atu kontinua halo pratika ba konseito ne'e.

Oinsa desenvolvimento ne'e bele hamosu modelho servisu hamutuk?

Desenvolvimento turismo base de Komunitario ne'e bele halo aprosimasaun koperasaun entre entidade; governo, comunidade, agensia turismo sira, NGO no Universitario nomos instituisaun peskiza sira. Atu promove diak ba iha modelho ne'e dahuluk ka basikamente tenke iha acompanhamento ida ba iha comunidade, pro exemplo iha Haburas Foundation temi Community organizer (CO) iha comunidade nia let. CO fasilita comunidade ida no estimula hodi partisipa ba iha proseso tomak nebe'e komesa iha fase planeamento. Komunitade nudar pontu save ba iha planeamento no prosesu aksaun no implementasaun. Partisipasaun bele liu husi ka forma ekipa ida nebe'e hili husi autoridade suku sira. Esemplu ida nebe'e bele hatudu ba le nain sira maka pratika turismu komunitario iha suku Tutuala, distrito Lautem nebe'e fasilita husi Haburas Foundation iha tinan hirak liu ba. Nomos esemplu seluk hanesan Jaringan Eko Wisata Desa nebe'e fasilita husi Yayasan Wisnu iha Bali, Indonesia. Iha rai barak-barak mak oras ne'e desnvolve hela konseitu ne'e. Modelho ne'e efektivo hodi fo votus ba comunidade durante prosesu ne'e lao.

Konseito ne'e mos hanesan modelho ida nebe'e fo konsentiazizasaun/pemberdayaan komunidad ba independente no partisipa iha jestaun no desijaun direitamente. Iha asuntu ne'e ba inan feto sira



barak. Iha Timor laran iha suku balun hanesan iha distrito Liquisa iha konsensia nebe'e fo atensaun ba meio ambiente maka liu husi dalan ritual nebe'e koinesidu ho uju kostume "Tara Bandu". Lisaun ne'e fo impaktu diak ba komunidade

laos deit halo servisu sira nebe'e iha relasaun ba servisu feto nian hanesan suru tais, homan maibe feto sira mos hetan oportunidade aprendizasan hodi aumenta koinesementu no esperensia hanesan grupu feto iha artezenato homan iha Maubara. Feto sira iha grupu ne'e halo mos promosaun ba sira nia negosiu no fo treiaumentu no tuir eventu sira hanesan exposisaun iha rai laran nomos partisipa iha eventu internasional sira. Aktividade sira ne'e mos hamosu oportunidade ekonomika ba grupu feto seluk sira nebe'e hodi promove no benefisia ba hametin ekonomia familia nian.

Konservasaun ba meio ambiente

Konsentiazizasaun ba importansia meio ambiente bain-bain mosu wainhira mosu ona esperensia negativu, por exemplu iha estragus barak husi impaktu turismu nebe'e la maneja ho diak. Konsentiazizasaun ne'e bele haforsa ho edukasaun meio-ambiente nebe'e mai husi komunidad rasik, entidade governo ka organisasaun non govermental sira. Wainhira hetan lukru ona husi receita/pendapatan no sinte hetan impaktu diak husi meio-ambiente ida nebe'e saudavel no proteze husi turismo base de komunitario ne'e, komunidad sira iha antusias hodi proteze no responsabiliza ba sira nia meio-ambiente.

Iha suku ida iha Thailandia komunidad sira ho konsensia rasik halo reforestasaun ba area nebe'e hetan estragus

rasik no fo benefisiu mos ba promove turismo.

Sensibilizasaun no valorizasaun ba kultura lokal

Iha aprosimasaun ba turismo iha durante ne'e, ema hare liu cultura lokal hanesan obyekto ida, nebe'e bele hatudu impaktu "faan cultura". Ho promosaun turismo base de komunitrio sei fo importancia igualidade entre komunidad ho turistas sira nomos iha posesu desenvolvimentu kultural nudar identidade komuitario ba idak-idak nia etniku.

Esperensia kontaktus kultural ba etniko seluk bele fo impaktu negativu hidi hamosu degradasaun ba cultura lokal sira.

Tenke fo atensaun ba iha parte ne'e liu-liu ba gerasaun foun sira nebe'e agora daduk fasil los hodi lao tuir ba ema seluk nia kultura.

Komunidad rasik fo esplikasaun kona ba cultura lokal. Hodi nune turistas sira bele koinese kona ba kultura no kustume nebe'e sei bele halo ema seluk respeito no valoriza ba fatin sira nebe'e hetn visita. Esperensia sira hanesan ne'e bele fo tulun malu hodi respeito malu ba kultura no kustume nebe'e diferente. Ikus mai komunikasaun ne'e sei fo benefisiu diak ba turistas sira hodi respeito diak liu ba kultura lokal nomos komunidad sira mos bele iha koinesementu ba kultura ema seluk nian.***